

迦

陵

詞

全

集

迦陵詞全集卷十二

宜興陳維崧其年著

華亭董 俞樗亭

弟

維岳緯雲

參閱

遂安方象瑛渭仁

宗石子萬

如臯許嗣隆山濤

選

男履端

校

武進弟玉璫椒峯

姪賜薛

滿江紅

汴京懷古十首

壞堞崩沙人說道古夷門也我到日一番憑弔淚同錦瀉
流水空祠牛弄笛斜陽廢館風吹瓦買道旁濁酒酌先生
班荆話 攝衣坐神閒暇北向到魂悲咤行年七十矣翁
何求者四十斤椎真可用三千食客都堪罵使非公萬騎

歷邯鄲城幾下

夷門

鉛篴無成不信道英雄竟死猶有客棄家破產東求力士
太息已看秦帝矣悲歌只念韓亡耳道旁觀誰道祖龍耶
妄男子 狙擊處悲風起大索罷浮雲逝歎事雖不就波
騰海沸羸政關河空宿草劉郎官寢成荒壘只千年還響
子房椎奸雄悸

博浪城

汜水敖倉是楚漢提戈邊界想昔日名姬駿馬英雄梗槩
榮澤波痕寒疊雪成皐山色愁凝黛歎從來豎子易成名
今安在 狙上肉何無賴鴻門斗真難耐筭野花斷鐮幾
更年代泰鹿詎爲劉季死楚猴甘受周苛賣笑紛紛青史
論都訛因成敗

廣武山

太息韶華想繁吹憑空千尺其中貯邯鄲歌舞燕齊技擊

宮女也行神峽雨詞人會賦名園雪美天家愛弟本輕華
通賓客 梁獄具宮車出漢詔下高臺坼歎山川依舊綺
羅非昔世事幾番飛鐵鳳人生轉眼悲銅狄着輕衫半醉
落霜雕弓絃索

吹臺

野渡盤渦中牟界濤翻浪走勒馬看殘山剩水一番回首
斜日亂碑森怪蛸危岡怒石蹲奇獸笑中原從古戰場多
陰風吼 炎劉鼎嗟淪覆袁曹輩工爭鬪看金戈塞馬墮
厓馳驟浪打前朝黃葉盡霜封斷壁青苔厚又幾行雁影
落沙洲多於豆

官渡

宋室宣和看艮嶽堆瓊砌璫也費過幾番錘鑿兩朝丹堊
花石綱催朱太尉寶津樓俯京東路晉銅駝洛下笑人忙
會廻顧 花千朶雕闌護峯萬狀長廊互使神搬鬼運無

朝無暮一自燕山亭去早故宮有夢何由作歎此間風物

劇催人成南渡

良嶽

曲水金塘流不盡汴京遺事記當日昆明水戰都亭百戲
相國寺前燈似畫南薰門外天如水恰政和天子趙官家
多才藝火仗轉星毬墜水幄捲雲房蔽正扇分雉羽橋
排雁齒此夜只憐明月好當時那曉金人至記居民拂曉
撥菰蒲尋珠翠

金明池

北宋樊樓縹緲見彤窗繡柱有多少州橋夜市汴河遊女
一統京華饒節物兩班文武排簫鼓又墮釵鬪起落花風
飄紅雨西務裡猩屏賣南瓦內鸞笙語數新粧炫服師
師舉舉鳳月不須愁變換江山到處堪歌舞恰西湖甲第
又連天中王府

樊樓

古玉津園斜陽照滿陂蘆荻渾不見銅街鐵市層樓列戟
陰慘慘兮門自鎖冷冷清清地船誰摘綠垣邊覓個不愁人
如何得 白玉香黃金橘園芳樂樓青漆任婁風苦雨籠
窗動壁春去烏啼樊重里月明花落王根宅壤廊斜石甃
趁行人行人嚇

玉津園

汴水分藩憶帝子金牀玉冊人都羨憲王才調孝王偉匹
椒殿丁年喧鼓吹桂宮甲帳緡圖籍唱誠齋樂府夜深時
爭瑟急 蔡河漲蘭橈織鴈池汎龍舟疾記牡丹時節排
當宿直一夜黃河瓠子尖滿城紅袖梨花濕痛波飄菰米
入宮墻沉雲黑

寫近况酬寄曹顧庵學士卽用學士來韵

黃雀銀魚美秋後攔街塞術屬饜耳神仙難學底須煉木

萬事紆人園客繭百年戲我狙公栗倚秋城下瞰暮濤紅
煎斜日風乍滿喧杉漆霜漸老催機匹看雁排人字璫
璫幾筆詩怕殺青刊復毀髻憎鐸白芟逾密只酒悲苦憶
婦姑城呼鷹出

月之初六余將有廣陵之行前一夕行囊襖被俱
被偷兒負去戲作二詞示里中諸子仍用前韻
酒盡天寒彈短缺半生無術擬還向廣陵賣藥荷苓挑水
秋雨好攜叩竹杖荒原莫管周人栗束殘書准趁半江晴
期來日鴈鴈暗空如漆絡緯叫難成匹正籬搖書帶庭
欹木筆計畫總嗟吾輩拙安排儘讓天公密笑青氍一夜
羽毛生飛而出

盜語主人驪駒唱曲行無術堪歎息井叢熠燿日荒松木

其泥關高驪。觀薦王宮谷。險猿偷栗筭。一年作客縱歸來。
無多日。何不販山中。漆何不織機頭匹。只年年。浪刺幾
時。投筆。肱篋愁看君。筭儉。絨繡喜。巡隣家。密請先生晨起。
檢空箱。如何出。

贈史遠公五十卽用學士原韻

壽苑詞場數儕輩。君才橫出論戈法。韭花蔓尾盡推適。密

九殿爭傳鸚鵡賦。

戊戌會試遠公已拔第一人

重瞳親獎龍蛇筆。

遠公署書

爲天語所獎

更岐王含笑看揮完。綾千匹。

熬不熟仙家漆。粘

不住天邊日。歎籬還采菊里。仍呼栗。醉斫月中一片桂。閒
收雨後三峯木。儘清狂。舍此問成仙。無他術。

賀曹掌公秋捷仍用前韻

老盡詩人吳與越。惟君傑出人都羨。家風華貴文瀾綺。密

三世金蓮學士燭一門銀管湘東筆看來春駿馬蹴長楸
千○千○四○僕○老○矣○身○空○漆○鼎○徙○者○懷○吞○日○記○酒○行○以○往○王○
濫○而○栗○記與掌公吳趨高會時學○圃○條○豐○君○掇○杏○硯○田○殖○落○余○鋤○木○
擬○蕨○竿○變○技○學○曹○公○穿○楊○術○

贈大西洋人魯君仍用前韻

怪○怪○奇○奇○咄○咄○甚○謔○謔○出○出○經○過○處○逼○羅○瘴○惡○荷○蘭○烟○密○
鶴○語○定○知○何○代○事○麟○經○不○省○何○人○筆○駕○崩○濤○九○萬○里○而○來○
福○恩○匪○游外海光如漆國○外○國○天○無○日○語○焦○餓○龍○仰○魂○
搖○股○栗○善○奕○憤○藏○仙○叟○橋○能○醫○却○笑○神○農○木○更○誦○完○一○卷○
咒○人○經○驚○奇○術○

贈吳白涵仍用前韻 白涵工詩善琴吾邑中高士

蘇○隱○家○門○捉○鼻○免○問○君○何○術○適○志○耳○和○烟○種○樹○帶○雲○春○木○

杜老堂前隣撲棗陶公酒後兒呼栗更風潭夾宅月當門
消閒日 詩酒外誰膠漆猿鶴侶吾儔匹任客誇裘馬人
矜才筆書到成時松竟老徑當僻處蘿偏密叩苔扉半晌
不逢人琴聲出

憶舊游寄金沙王弓銘張杜若徐岐離史兼三諸
子仍用學士來韻

曾記中原與數子揮鞭競出同憑弔園空石尉城荒李密
洛下金墉城夜臥戍樓風咽鼓晨題敗驛霜膠筆更月中
李密城也帶雪上鞦韆奇無匹 戰場內碑填漆叢祠外燈搖日憶
並鞍舞簇分籌賭粟往事鏟來如削草新愁製就同煎木
筭倚他白日繫長繩嗟無術

丹陽賀天山寄詞二闕屬和其韻

枯樹衰楊三歎息物猶如此白眼看塵埃野馬子虛匹是
四壁豈無窮可送九天只有愁難寄放狂歌金鐵一時鳴
晉衰矣拜特進官承旨僮列鼎奴衣紫更屏間窈窕堦
前阿睢若有人兮寧足慕彼何爲者殊堪恥曾幾回策馬
樂游原荒煙耳

速壘精丘卿莫惜壚邊酒價能幾日秦關月小漢宮花謝
萬里秋從西極到千年淚向南樓灑婦人裝胡粉且搔頭
無人者風刮燭窗多鱗雨淋壁簾須下溷南隣北戶詩
塲歌社白晝遽遽身化蝶青天夢夢程生馬約練湖鴉舅
十分紅余來也

日內將至
丹陽故云

舟次丹陽感懷二首仍用天山韻

水面絃生郭索響誰能遺此問白傳浮陽江上可曾如是

天外雨隨帆共落洲邊雁與船同寄人奴之笞罵此生無
應足矣 河蟹賤肥而旨秋山暮紅兼紫但酒酣以後呼
牛亦唯鑄鐵竟成千古錯讀書翻受群兒恥笑道旁石馬
亦何爲風吹耳

且食蛤蜊管婢價何如奴價君不見棠梨一樹昨開今謝
形狀何勞麟閣畫淚痕不上牛山灑願他年青史好爲之
傳來者 月射隙霜尋鱗騎蓬背眠檣下笑長貧陳孺肉
難分社張祐宅荒碑窠鼠呂蒙城濶帆如馬問半生何物
誤人歟殘編也

過京口復用前韻

剩壘殘崖有多少英雄經此也則爲風吹浪打撻成如是
北顧髻鬟晴欲笑南朝君相生同寄歎齊梁一片好江山

都非矣 茶沸乳簾泉 肯楓繡癭醅顏紫 倘鶴猿招我欣
然曰唯憂縱憐政何所益 信偏伍贈徒增恥 踞蓬艫吹火
騁雄談滅三耳

瓜步船來亟爲問 淮南米價念欲索 陶胡奴米何如 詣謝
肝膈儘從鄰媼露 毫毛拚向沙塲灑 歎臣精今日已銷亡
誰容者 栗半熟經霜罅豚對舞 浮波下聽寺鐘隱隱隔
江運社快意且騎隋苑鶴 失時休使瞿塘馬 怪一軍銀鎧
海門來潮頭也

渡江後車上作

磨鏡來耶怪范叔 一寒至此古所謂 弔喪借面將母同 是
十載江河淮泗客 一身南北東西寄 問車中閉置婦人乎
真窮矣 村醪薄寒加肯斜日淡風添 紫有與騶拉飲從

而唯唯謁彼金張吾已過厄於陳蔡誰之恥任兒童拍手
笑勞人車生耳

亦復何傷終不掩文章光價曾抵突不知屈宋何論沈謝
一曲楚聲愁斂破半生情淚如鉛灑儘腹中容得百千人
如卿者 好覓個西村鱗竟須在南山下結斬蛟射虎疎
狂之社夢裡悲歡槐國蟻世間得喪隣翁馬語前騶叱馭
且從容余歸也

看牡丹感舊

芍藥啼烟倚晴晝枝枝欲顫恰又是送春天氣夾衣庭院
香逕露濃圍綉幄軟簾風細低歌扇將去年情事倚闌干
思量徧 花與月曾畱戀朝共夕閒游衍在睢陽古郡商
丘舊縣記得濃香籠兩袖醉餘馬上携歸便下小樓紅袖

那人迎人微倦

壽武林徐世臣賢配邵孺人六十

曾在西泠徐柳下陳蕃之樹記當日湖山濃淡宿徒雜沓
夜雨對眠靈隱寺春帆競掠雷峯塔幾何時雲水竟飄然
攜瓢袖室有婦機聲匝塾有子書聲答喜鴻妻操作龍
駒蹙蹙設悅九天喧管籥稱觴七郡傾壺榼正中秋月照
浙江潮銀光合

余澹心吳蘭次周子俶願梁汾秦對巖諸公共飲

集生家適余在山中未與此雅游也蘭次作詞

見示余亦次韻

醉情欹斜訝何處玳筵留客却誇我鱸魚棗落席門置食
滿眼紅牆愁裡過干場錦瑟閒中憶只君家數過酒杯寬

真難得。也不羨鴟絃。又何用鸞鏡。但茶香雙好。居然雅集。笑我凍栖梅一樹。輸他醉把螯千隻。問酒謀之婦。尙能乎。期來久。

將發梁溪酒後與吳菡次

臣醒而狂。問何處再尋荆。雖但相見。金樽休放。玉簫須壓。舊事漫誇冠蓋里。新愁合付昆明劫。幸名園一月共聯床。歌聲接。老鳳叫。才何捷。雛鳳語。吟都愜。奈匆匆欲唱渭城三疊。歸去道場山下路也。應瘦了丹楓葉。只郵亭醉尉。夜偏多。休輕獵。

菡次擊舟相訪與予訂布衣昆弟之歡而去賦此

紀事

雨覆雲翻。論交道令人冷。菡告家廟甲爲乙友。從今日始。

通陽詩全集卷十二
官笑一麾君竟罷病驚百日余剛起問乾坤弟畜灌夫誰
惟卿耳 嗟墨突殊堪恥憐范釜還私喜且樵蘇不爨清
談而已開口會能求相印吾生詎向溝中死終不然鬻
華山陰尋吾子

同雲臣和天玉元夜泊舟溪口感舊之作

峭冷尖寒也筭做一番元夕還記憶清歌妙舞梅魂雪魄
向日微聞年少事狂夫曾到岐王宅把玉簫吹起落梅風
成今昔 水驛底孤眠客月榭口寒波積正沉吟何限釵
痕綦跡早信今宵鮫帕濕悔教那夜屏風隔載一船離恨
壓西溪溪流碧

郝元公署中食餅忽有茂陵之憶賦詞誌感

落拓無家歎三匝曾栖汝潁記那日綠窗閒與姬人說餅

漫粉宛同春絮薄映空絕似杭羅浮笑鸚哥偏愛啄香杭
吳兒性 纔半載歸鄉井排雨也悲萍梗算不因烽火幾
成薄倖聞說袞師年尚幼嬰焚解向厨娘競只今宵入手
恰輸他團圓影

秋日幾士兄姬人生子詞以志喜

人種追來喜阮曲又生遙集

兄生子姬人係得之姑母家

是月裡風飄

桂子夜來親拾旦日驚看佳氣滿經年怪底吟聲澁

兄素勤詞

翰年來竟不作詩

果息機結得蚌胎成珠光濕

嫂已慶螽斯繼

孫漸解勝衣揖笑阿兄此事得毋非急小弟今冬方五十
飄零一綫河之北待來春挈取小獅兒還鄉邑

再疊前韻酬幾士兄

阿大中郎論家世人人有集吾老矣沅湘香草童蒙聊拾

破屋霜紅蘿薜暗空齋雨黑倉琅澁歎青衫原不爲琵琶
年年濕誰耐把殘編緝久嬾向侯門揖筭曹劉沈謝非
今所急一片月懸關塞上五更笛落關干北正匣中刀作
老龍吟聲於邑

三用回韻與幾士兄言懷并示珍百雲臣竹逸諸
同志

蹶盡霜蹄休再問龍城馬邑計失矣我寧作我北山之北
焉用文之身旣隱未常聞仕如斯急見長沮桀溺耦而耕
趨而揖蘇與苧連宵緝松共桂和雲濕任園官賈苦霜
畦竟澁米斃長腰春確糞子名蒼耳揮鋤拾問桂來牛角
是何書淵明集

四用回韻爲幾士兄納姬人賀

桃葉桃根把雙漿親迎隣邑記住在香街直下畫橋斜北
扶下銅輿鴉髻妥貯來綃檻鶯啼急暈桃痕注麝道勝常
羞郎揖 繡架彈鴛鍼緝紅浪皺鴛衾濕學夫人舉止漫
嫌生澁春頰一床和月捧新嬌半榻從天拾怪新詞艷粉
恰盈箱閒情集

懷龔仲震臥疾梁谿

貫菊除螯記共醉梁谿客夜風不定軟簾輕漾一燈高下
白髮放顛長忍餓朱門怪酒偏遭罵曉鷄號猶欲挽銀河
枯中瀉 書散誕蕭思話聲嗟惜甘與霸每厠身鎗杓袒
而行炙老與郎當烏豕肉秋懷浩蕩鷹隼架怪新來痺疾
偃霜簷酸風射

余有懷仲震詞南耕昔在南昌亦與仲震同作老

客遂次余韻亦成一首斐然見示仍疊前韻用
東南耕并令仲震他日讀之一軒渠也

五老匡廬挂冷瀑長晴不夜秋瑟瑟兩賢相見琵琶亭下
閱盡江山真欲舞筭來人物誰堪罵倚滕王傑閣瞰章門
銀濤瀉羈旅恨鄉關話拉龔勝呼曹霸儘雄心耗與冷
杯殘炙一朶菊花人伏枕半庭萱葉秋除架只幾年踪跡
最難忘同游射

擁爐

記與雲南耕分賦冬詞有圍爐一題今者
相遲省幕縱有紅爐獨擁而已何言圍也賦
此以誌

子佩

炙盡烏金銷不了髣髴微雪依稀聽一城巷杵半樓簷鐵
撥盡寒灰人語悄跋完官燭鷄聲咽笑西廊鸚鵡也愁寒
顏頰說小窗底屏風折微酣處爐薰熱但得人圍繞心

情願別記得常年喧笑語
簾床茶臼叅差列
只俟門獸炭
枉堆盤增寒冽

風雪行丹陽道中

秃樹僵杉趨玉舞
離披作勢經多少
斷橋仄磳破樓枯寺
瓊笠裏風嗟感發
筍與兀雪愁顛蹟
謝郵亭湯社點紅薑
招行騎
鑿不破琉璃水
凍不了魚龍市
笑吳兒長鬣有
船難使凍雀迎人
籬角噪村翁
傲我牆根睡
撒晶鹽迷却
呂蒙城心如醉

玉峯沈天羽先生詞塲耆宿也
選有草堂四集行
世不幸早逝
乏胤歲月不居
距今已四十餘年
矣
賢配鈕夫人
今年舉七十觴有從甥鈕君南
六代爲乞言詞以寄慨

偶爾相關小樓上
書闌凭徧記當日東吳瘦
沈才名堪羨
艷句和愁淋舞帕香
詞蘸酒塗歌扇只金荃
身後竟無人
爲收管
綰不得垂楊線
禁不住飛花片
剝嬌閨寡鵲雨
淒風怨轉眼桑田朝市改
打頭茅屋裙笄健
遶雕梁誰替
話呢喃鄰巢燕

贈家小阮次山

余所賃城中居卽先嚴元故宅也
階前紅杏一株最繁盛次山殷元

後人
故云

群從凋零悵家世
空餘雙戟筭惟汝過都歷塊龍
文虎脊
我別西溪剛十載
數椽聊賃街東宅
有壓欄先世一枝紅
君堪摘
林下酒床頭
易吾與汝交
相惜笑我今衰矣
子應努力王謝門
風終自在紛紛程李錢
寧直向渭陽詩裡
說鄒陽悲疇昔

次山係故友
鄒程村宅相

訪葉九來園居不遇愛其花木明綺池館崢泓小
懃移時流連不去因憶九來向與余邑某氏歌
姬有目成之約曾爲作花信詩今某家歌舞久
散此姬亦入道多年矣詞以示葉用稼軒韵

易識君家不須向長街夾轂

古樂府夾轂問君家

閒相過主人不在

滿園空綠蝴蝶輕狂金井畔櫻桃開落銀屏曲隴山鸚不
省客來游春眠熟淪落恨飛紅浴繁華夢郵亭宿記筵
開太守一群香玉今日鍊師新入道當時才子曾貽墨雨
濛濛燕子上空梁將泥蹴

贈婁東周逸園兼懷毛亦史

舞袖成圍正袞徧箏琶阮笛有一客衆中索我講聲甚急
坐上兩行紅粉笑亭邊一夜青衫濕歎雄文老將本幽燕

纔相識 風裂燭喧底黑星絡角晶熒白倘明朝分手後
期難的第令男兒存意氣休論世事多離別博徒中歸及
見毛公言相憶

春光甚冶健庵挈我魚墩精舍小憇同潘次耕弟
緯雲賦

半里春田漸踏到藤蕪叢裡疎籬外紅橋畫板臥於烟水
柳線飄時寒食近梨雲東處東風起把滿欄紫艷嗅移時
忻然喜 穎士僕康成婢營小築饒名理精舍乃健老有紀綱所攜
玉山彩翠光浮髯兒鬪草心情忙似蝶築毬士女多於蟻
筭春來何限斷腸天無踰此

贈溧陽王參戎

王名嘉善餘姚人新
建後裔有儒將風

小隊城南來踏徧平陵春色迢迢望秣陵鐘阜鬱蒼何極

一片南朝簫鼓地千年北府侯王宅到如今草綠錦衣翁
成今昔帳下縛黃皮褶座上拓黃金戟論男兒須學萬
人之敵家世故侯看射虎江山儒將聞吹笛笑軍中綬帶
慣緝書當陽癖

同恭士叔休牧仲飲介子西湄草堂次公融壁間

韻

水榭清幽宿雨罷奔渾齊漲憑眺處孤城剩壘礮痕無恙
波靜細延簾閣底草香亂撲紗窗上碧陰陰一陣嫩涼來
沙禽餉蓬六扇烟中漾簫一縷潭邊唱况主人還有吳
羹法釀但醉且尋茶叟竈欲歸徑借溪翁杖想此時纖月
挂西湄難於狀

秋日登單父城外春秋閣

單父城東堆徧了萬層秋色憑闌望齊疆魯甸一泓晴碧
此去漸通霄漢路吾生只少翱翔翼繚欄斜百尺俯中原
空蒼極銅鼓賽松杉直陰雨吼精靈急看薜衣泥馬曉
行無迹日落漫添羈旅恨時危專藉匡扶力讀春秋武帳
燭花紅髯如戟

秋日經信陵君祠

席帽聊蕭偶經過信陵祠下正滿目荒臺敗葉東京客舍
九月驚風將落帽半廊細雨時飄瓦柏初紅偏向壞牆邊
離披打今古事堪悲詫身世恨從牽惹倘君而尚在定
憐余也我詎不如毛薛輩君寧甘與原嘗亞歎侯嬴老淚
苦無多如鉛瀉

梁溪顧梁汾舍人過訪賦此以贈兼題其小像

二十年前曾見汝寶釵樓下春二月銅街十里杏衫籠馬
行處偏遭嬌鳥啖看時誰讓珠簾挂只沈腰今也不宜秋
驚堪把 且給箇金門假好長就旗亭價記爐烟扇影朝
衣曾惹芍藥纔填妃子曲琵琶又聽商船話笑落花和淚
一般多淋羅帕

故友周文夏侍御沒已及十年矣幼女在閣尙未
字人少司馬山左孫作庭先生興懷宿草特爲
令子議姻荆溪人士高其誼爭作詩歌以咏之
鄙人太息亦填此詞

江左周瑜年少日雄姿歷落記十載霜飛獬豸風生臺閣
宦蹟遽如春夢短人情劇似秋雲薄舊平泉早付綠苔生
都非昨 問鮑子今難作憐弱女憑誰託賴同官偏念曩

時花萼高誼漫言齊偶大華堂定讓韓居樂翟公門一曲
鼓求凰驚羅雀

萬脩承五十用呂居仁韻

北郭先生門恰對峯迴澗曲且小隱漁莊蟹舍長廊矮屋
雨過拍茶香作雪日高煨芋酥於玉向紅塵不到處逍遙
襟衫綠 林澗澗烘楓菊濤瑟瑟銷梧竹間貂蟬簪笠誰
策誰辱豆架瓜棚三徑在黃鷄白酒千場足便水田今歲
不曾收來年熟

秋杪同南耕魯望弟過東郊外殿元叔祖廢園感賦

醉袖籠鞭正杏苑一枝新奪歸臥處溪山窈窕亭臺層疊
松籟梧烟榮客夢溪茶澗笋醒人渴羨昇平江左玉堂仙

風光別 繁華事行人說淒涼債今生結又踰黃蘗綠斷
碑殘碣細雨零星漁榜火亂鴉颯杏僧龕月記小樓一片
伎衣紅年時節

琴奕雙清爲問牛叟

牛叟兌閣遺叢日妻善奕花下與諸女劇必招予予笑謝

于琴不由師授以意成諧巧合自然

綠蕭擣蒲慙狂煞他家兒女笑此是牧豬奴戲何心其賄
懶凭繡床描畎蹀愛拈紅子爭龍虎恰偏逢郎手劣于儂
降幡舉 奩乍歛墻陰午香半爇燈花吐逗琴心忽入海
天寒處時世幾多箏笛耳蛾眉也解英雄苦晝崩騰只把
漢宮秋臨風鼓

壽海寧家始升六十

風景清佳天氣是梅前菊後孤懸處高軒列戟軟簾堆綉

龍笛鵝笙喧午夜，衙香宮錦圍晴晝。笑吾宗，今日又重逢。
圖南叟。搖鐵鳳，蟠金獸。相府畔，沙堤右。筭家門華貴，於
公何有。坊曲漫勞誇韋杜。文章要使羅星宿。看佳兒，新隴
桂香濃。爲春酎。

送葉桐初還東阿卽次其與曹雪樵倡和原韻

若且歌乎急，配以哀絛豪。竹念來夜故人，一去月明人獨。
風吼軍都山，忽紫雨收督亢。天全綠笑好官，幾箇讀書來
休耽讀。吟復寫，瞿瞿幅富與貴。蛇添足，但逢花便插。有
泉須掬，建業雲山通地肺。姑蘇烟水連天目，筭穀城雖好
不如歸。眠鄉曲。

壽寶坻杜相國

恒岳生申，恰黍谷陽回時候。沙堤上，弧懸相府，光騰寶甃。

萬國河山平似掌，九天花鳥紛如繡。正黃扉暫闔袞衣開，
娛清畫房與杜齊。台斗李與杜豪詩酒，筭文章勲業公
俱不朽。八餅茶分龍鳳碾，萬釘帶壓蛟螭鈕。看無邊紅燭
下朝來爲公壽。

聞往歲帝城烟火之盛甲于天下，今年元夜作客
都門，適逢新禁，凄然獨坐，詞以遣懷。

夜火春宵說此地，上元尤勝烟焰裡。烘桃炙柳飄梅地，亦
繡羽花冠筒內放。細苞翠蔓竿梢映，紫葡萄十丈滿池蓮。
絲絲凝瑪瑙，寺歌韞兢琉璃殿。箏瑟盛更鉦車，麝帕嬉
遊不定。今夜鳳城偏寂寂，一燈微耿人初病。只角殘吹到
第三聲，何心聽。

迦陵詞全集卷十一終

迎陵詞全集卷十三

宜興陳維崧其年著

崑山龔賢半千

弟維岳緯雲
宗石子萬
叅閱

錢塘汪霏東川

莆田林麟昌玉巖

男履端

安平吳璠負若

姪賜薛校

梅子黃時雨

本意

天水空濛只將暝纖愁催雨添恙乍過了東風楊花一桁
彈指還驚仲夏蕭蕭簷瓦跳珠響葡萄漲鳩婦喚晴鳬母
眠浪惆悵他鄉誰傍篝爐薰藥裏聊自屏當料故國樓
頭茶烟新颺豆綠釭中梅水滿何時小翫龍團餉苔衣長

賦得苧衫難爽

雪梅香

和竹逸再遊石亭看落梅原韻同雲臣賦

梅將謝臨風招手喚重游恰瀾瀾照浪愁情嬾比眠鷗低
撲村庄紈扇巧亂飄溪閣粉茵稠綵綿弄雪送清芬與夢
俱幽再來增悵望滿逕瓊姿零落誰收拾取殘英注來
花乳磁甌縱使暗香埋隴畔勝於飛絮舞街頭休回首幾
枝含淚正倚山樓

掃花游

早秋同雲臣詣竹枝庵訪寒松上人時上人將往
龍眠用片玉詞韻畱贈兼志別懷

問秋何在在郭外陂塘礪邊林楚野香幾縷向衫痕暗撲

帽絲亂舞暑退涼生一派嫩陰閣雨繞村去遇見支公微
笑迎處相別彈指許又竹翠沾厨荷風凝路茗鐺笋俎
恨來朝愁聽江船櫓素任是空王也愁離情凄苦漫延片
拍催歸花官搭鼓

紅情

咏半吐紅梅

一枝凝曉似絳葢浮鉅錦鱗拍沼搓透猩絨賣弄慙與許
誰拘莫是羅浮人困珊枕上小鬟新覺正睡暈初圓偷倚
綉奩照料峭年猶少更酒入潮生春來靨笑嬌香趁早
休賺天桃見時惱幾顆朱櫻綻口甚日茜花壓帽倩紅淚
將綃裏灑他開了

滿庭芳

紀夢

黃入東風綠來南內夢中春水鈴鐺箇儂香粉髣髴也曾
經還是鈿錢堂上當年事有影無形高樓外珠圓鶯脆隔
院已聞聲衷情渾欲訴新愁點點舊恨星星奈一塲春
夢不甚分明此際銀燈耿耿羅衾濕紅淚如水難分手滿
街細雨愁煞夢回程

談長益携具招游八公巖

水寺拖烟山樓嵌雨日長經院無人茶香竹翠也筭是前
因獸窟山前精舍參差處欲斷還勾依稀似是雛鴈子零
亂不成群遶遶思昔日戴顓故隱往蹟沉淪漸櫻桃熟
後梅又生仁樵悴鬢絲禪榻十年事更與誰論空歸去數
聲磬行過米顛墳

過遼后梳粧樓

細馬輕衫西風南苑偶然人過金溝道旁指點遼后舊粧
樓想像迴心宮院鈿箏歇含淚梳頭青史上武靈皇后一
樣擅風流 堪愁成往蹟繚垣敗甃滿目殘秋便脂田粉
磴零落誰收莫問完顏耶律興亡恨總是荒丘紅墻外誰
拋金彈年小富平侯

題顧梁汾舍人扈駕詩後

萬乘旌旗千宮羽獵翠華絕塞重經珠鞭玉靶日黑虎風
腥美爾金閨年少陪游幸鳳輦龍庭霜天曉拓黃袍出一
騎按秋鷹 至尊親講武火城漸杳交綢猶局更北平城
外嶺斷雲橫飛鞚傳宣七校黃羊酒前隊教停琵琶歇碧
天氍帳一曲海東青

過虎牢

汜水東來滎陽西去傷心斜日哀湍橫鞭顧盼又過虎牢
關歎息提兵血戰西風響一片刀環英雄淚亂山楓葉不
待曉霜丹 追攀當日事炎精末造遺恨靈桓又許昌遷
駕不肯回鑒今古興亡轉換誰相問剩水殘山憑高望漢
陵魏殿一樣土花斑

距汝州四十里山有溫泉相傳爲唐武后幸洛時
浴處

武媚東巡金輪春幸洛川自古神州風光溢目綵仗簇星
毬聞道香山山下湯泉沸玉灑瓊流傳駐蹕石榴裙濕激
水奉宸游 六郎宣詔入蓮花一朵相映嬌柔趁晚涼閒
話水殿雲幃千載朱顏難待傷心似太液池頭淒然也驪

山浴館一樣野花稠

咏臘梅和京少韻

仙淚流銅路脾醺蜜聖檀初傳新粧冰簷雪蕊帶暝亂斜
陽自是羅浮別種依稀臘金粟餘香王孫彈枝頭萬顆偏
惹壽簾長繞廊應錯認宛如梅子熟後輕颺想宮人入
道絀帔都黃一段冷魂幽緒扶疎態誰與擎將春來也紅
紅白白讓爾冠羣芳

玉簪花

築粉偏溫鏤脂却煥一枝頭影難休涼軒滑簾常傍晚粧
樓幾度枕邊輕墜聽不出釵響悠悠尋覓取依然未盡
明凡器破而未離者曰臺重上玉人頭開時剛淺夏曉來笑折人意
先秋正睡餘夢遠翠幌空幽每被髣緜籠住香風動路蝶

先偷玲瓏極鄰姬誤認卸取節奏謳

暮秋梁溪南郊看菊紀游

雨坼池蓮霜彫巖桂愁餞臨去秋光城南漫興步履趨林
塘歎息人家兵後莓苔徧廢井頽墻溪橋畔柴門半掩籬
落未全荒 烟庄經幾處嬌紅淡粉壓疊成行恨花繁境
窄姿態難詳最後一園差勝軒櫺外亂石疎廊西風勁催
將菊瘦餘力裊衰楊

丁巳元夕後三日謁別鶴林天友於長洲官署賦
贈

森森長洲離離茂苑無邊草色連空兩番借治歡笑滿吳
宮一自睽離絳帳相思切早理烟蓬平波遠誰吹五兩幾
陣落燈風 忡忡憐別後鸞飄鳳泊竹嬾絲慵擬酒醒訴

與恍慨從公憶昨探梅摘蕙銅官下曾傍游筇經年矣春
來鄧尉香雪又濛濛

今春梅候余適買棹吳門乃因循羈絆不及爲鄧
尉之遊正深悵恍及過里門而枝頭香雪已零
落畧盡矣會放公以梅下見懷詞并雲臣和章
相示漫次原韻

二月新晴東風作陣吳天梅訊頻催伍塘飛棹恰過浪花
堆聞說疎香冷粉銅坑畔萬樹齊開真辜負闔閭城下容
易放船回沿洄歸罨畫閒虞綺韻觸緒增哀想一枝瘦
玉曾綴經臺我是湖州杜牧成陰候側帽纔來明年事相
期花下莫放淺深杯

咏西府海棠

滿院紅綃半樓絳雪幾叢艷冶成圍倚欄無力嫩柳鬪腰
肢粉壁銀牆淡雅明粧坐人是瓊枝東風動花光映肉桃
暈入冰肌 胭脂剛蘸雨一番梳裏別樣芳菲似六宮盡
煖睡重楊妃贏得三郎一笑花前關急管繁絲豪華甚千
堆蜀錦那用杜陵詩

五日玉峯競渡用梅村詞韻

菖歎芳筵葵橘綺節一雨涼透重湖綉旗畫鼓蘭槳剗菰
蒲多少唐陵漢寢千年恨遠近楸梧休憑弔玉山將倒翠
袖可相扶 狂夫狂更劇花顛酒惱脫帽喧呼喚湘纍與
汝美阻同沾收拾金簫玉管崑崙好晚髻新梳家鄉憶層
層水榭紅縷漾釵符

贈表兄萬大士

舊臨
漳令

少日情親兩家中表
羊車競戲階前雕
玉薄技里熟又墮
肩彈指渭陽凋謝
烏衣巷蔓草平田
誰能料童時伴侶
相對兩華顛
中年拋艾綬柴門
卷書三徑蕭然憶
相州郭下宦蹟流
傳購得銅臺繡瓦
歸吟寫夜雨朝烟
殘生事酒鎗棋局
此外總由天

咏宣德密青花脂粉箱爲萊陽姜學在賦

龍德殿邊月華門
內萬枝鳳熒煌六
官半夜齊起試新
粧詔賜口脂面藥
花枝裊笑謝君王
燒麝翠調鉛貯粉
描畫兩鴛鴦
當初溫室樹宮中
事秘世上難詳但
銅溝漲感流出宮
牆今日天家故物
門攤賣冷市閒坊
摩娑怯內人紅袖
慟哭話昭陽

蜀山謁東坡書院

水拍晴橋山街春店飛花落絮悠颺打魚放鴨四月好年
光此地林巒絕勝家家足碧澗幽篁斜坡上碎瓊真瓏峯
亂補圍墻 鳴榔思往事峨嵋仙客曾駐吾鄉惹溪山千
載姓氏猶香今日紫姑聖女喧村賽畫鼓明粧殘碑在獨
憐野草漸沒古祠堂山上俗有所謂娘娘廟是日香火最盛居民奔走如鶩而書院滅沒荒烟
淡靄間無有過而問者詞以志慨

吾邑茶具俱出蜀山暮春泊舟山下漫賦此詞

白甌生涯紅泥作活亂烟細裊孤村春山脚下流水浴柴
門紫笋碧鱸時候溪橋上市販爭喧推蓬望高吟杜句旭
日散鷄豚 田園淳樸處牽車鷺畚壘石支垣看鷗鷺撲
滿磊磊丘樊而我偏憐茗器溫而栗濕翠難捫掀髯笑盈
崖綠雪茶事正堪論

汴梁客舍同馮夢庵夜坐夢庵出梁溪閨秀永愁

人詩稿示余凄然賦此

馮衍長愁陳思不樂相逢同客東京烏啼落葉惆悵可憐
生無忌館今何處河聲怒攪着砧聲秋宵永幾撈粉月照
得綠窗晴 鶯鶯聞尙在詩人老去一倍含情且開箱驗
取錦字縱橫料爾銀鈎未寫檀牋上珠淚先盈休腸斷青
衫紅粉一樣是飄零

丙辰元夕

戰馬千群戍旗一片江東月又剛圓凝粧艷粉何異太平
年樓上冰簾絳蠟參差弄鳳管鵲絃樓兒下金蛾玉繭風
景倍嫣然 碧天何限事一生能得幾度燈前况春城不
禁拾翠尋鈿忍負衫紅釵紫生生博圖書凌烟歸來晚關

通志詩全集卷十三
七
思立堂
珊夜火人立小門邊

林天友別駕招飲同雲臣賦贈

荔浦樓臺榕城甲第相門群羨賢甥詩篇宦蹟雙闌早梅
清幾度桃花浪煖賢勞最轉餉神京纔歸也楚天在望又
聽夜猿鳴 山城父老說孝侯一去蛟虎縱橫憶使君前
事千載齊名昨夜張筵召我行春暇綠酒紅笙剛過雨新
鶯語滑喚起月盈盈

花朝後一日林天友邀同雲臣爲南嶽之遊詞以紀事

翠榜欹烟紅船委浪水簾低捲晴暉曉山欲笑迎我在春
磯欵馬誰家園子游絲靜嬾上人衣憑欄望樓臺易主金
粉未全非 罪微小雨過花籠寺閣深濃僧扉正使君愛

士野客忌機斜日仍搖畫艇紗窗掩玉枕頻揮城頭望半
溪燈火爭認醉翁歸

清明前一日同雲臣溪干觀劇

近水人家弄晴天氣清明恰是來朝曉鶯無賴喚我驛邊
橋多少歸寧溪女花枝颺香粉輕飄疎籬畔蘭芽杏蕊開
到十分嬌垂髫剛十五新聲解唱淥水紅么憶少年同
學半插華貂我向江村潦倒新年恨比舊還饒鞦韆社東
風攪碎戲鼓賽神簫

毫村舊宅之東有屋一區名間遠堂堂頗弘敞乃
先農部伯父別業也堂久已不存門內且賃爲
酒肆矣賦此志感

宅列光延門齊通德君恩曾賜山莊勝衣膝下粉署半會

香白晳華貂插鬢東頭屋綠野名堂依稀記畫簷鴟吻燒
作紫鴛鴦滄桑今已換葦花楓葉一片蒼茫剩戟門未
拆酒旆新殿土銚誰人競唱邊州調白草黃塵繚垣外西
風吹到憔悴舊家郎

壽王敬哉先生用棠村詞韻

菊尚拖黃梅將凝粉安排晴日開筵錦笙畫鼓譜出鷓鴣
天兩世尚書門第朝回後繡轂紛然華堂上昇平保傅矍
鑠地行仙名園飛霰後銀燈火樹雪月光聯要粧成瑤
圃映上紅箋海畔群真介壽驂鸞渡弱水三千馳封賜汪
汪綠蟻猶衰鳳樓烟

壽大司農梁蒼巖先生

黃閣勲名黑頭卿相瑤池第一神仙蕉林書屋烟景勝平

泉珠鼎花洋萬里牙櫓送南海歸船還刺後錦袍茜袖長
倚紫宸前華筵群獻聳昇平法曲象管鳴絃有尚書紅
杏麗句親填歲歲原城今夜陽回處暖在春先細梅綻風
光正好次第到鞦韆

山陰沈躬範婦陳夫人好讀書年二十三夭卒卒
之日囑以平日所誦書籍殉冢中一時皆作詩
以哀之余亦爲賦此闋

人偶言愁僕原多恨說來也替神傷越溪有女十五嫁王
昌人在水晶簾底簪花格目做于行纔梳裹濕禪未歛便
自理鉛黃梅粧容易謝皇墳汲冢雪魄同藏抱夜臺吟
誦月冷楓香何必玉魚金盃遺編在還累蕭郎羅裙壞草
生書帶不化紫鴛鴦

送顧尼備南歸爲太夫人壽

梅子生仁柳綿着水翠陰淦淦遮牆新裁綠袖愛趁日初
長立馬都亭送客鞭絲颺帽影低颺凝情處暮雲堆碧妬
爾作輕裝霞觴歸捧候黛添艾葉紅入橘房有江鱸籬
笋足膳高堂路次毘陵水驛應相見陽羨山光憑君說倚
闌游子脉脉只思鄉

吳門管烈婦夫亡殉節詞以紀事

鏡掩離鸞絃摧別鶴千秋彤史畱芬機中錦字長恨與誰
論一自磨笄人杳成灰後蝶化羅裙人間事依然花月空
館總無春夫君憐彩筆土埋玉筋雨打黃昏痛梨花一
樹同散朝雲贏得巫簫社鼓胥江畔歲歲迎神憑誰畫啼
斑滿竹別樣管夫人

送吳初明南還秣陵

颯杏寒鴉聊蒲凍葉西風壓雪將低蘆溝南下立馬惜分
携此去鷄籠山館江梅瘦恰與簷齊都門事牆頭過酒爛
醉嬾重提 當時臨發日王郎作畫送別青谿看無多幾
筆不數迂倪勿論風流二老相關甚正有鄉奚長鬚到歡
迎隔浦仍是杜家稽初明北發時王安節圖畫相送畫上
一童子牽馬立爲持荷葉刺諸器具悉懸殊
甚故篇中及之阿以阿稽杜甫家童奴名也

中元節途次蒙陰追悼亡女

庾氏荀娘左家嬌女慰情誰道非男錦椒頰菊畧涉也粗
諸每歲因翁作客恒歸伴阿母香奩天涯信燈花暗子頻
向紫姑占 江淹何限恨半生婚嫁怨極愁添只今朝五
岳敢謝幽探惆悵中元令節家山事梵唄莊嚴蒙陰畔雨

行紅淚寄不到江南

題徐武貽小像

武貽文貞後人椒峯張仲母舅舊許爲之題像今翁已沒如追補成之

碧篠千竿紅蘭一架松濤韻雜笙竽科頭箕踞旁置小風爐
回首文貞舊業淒涼絕綠野荒蕪半之好家傳宅相名已動京都
躊躇當日事記曾撫掌爲我披圖擬閒題數語貌爾清癯詎料山丘華屋重來處此諾還逋徐君墓未成挂劍聊報秣陵書

徵招

送朱性存歸吳門

一燈分做還鄉夢君今果然歸矣殘月曉風天暫挽君雙袂柳條今勝幾待折贈沉吟無計君到江南定逢梅放新

應相寄 來夜白溝河鷄聲店料爾早寒人起誰念鳳城
邊有倚闌心事暮雲千萬里畱我作天涯游子我亦有茅
屋三間六朝斜照裡

爲王珣湖編修悼亡

柿葉翻時人病起淒然悼亡新賦畫篋儘伊搜奈蕙發先
去元和才子恨拚細研鳳牋零譜不分西山風前還闕舊
年眉嫵 故國水雲多會側帽其聽半船疎雨粉腕斫鱸
香更翠尊凝筇如今秋夜笛只遞入客窗偏苦縋蛛絲丁
字簾西記有人行處

爲尤悔庵悼亡

蕙叢去後微之怨當時韋娘年小別後鏡鸞分悵天涯人
老小屏歸路悄悄重疊吳山清曉此夜遙憐水荻軒畔月

明多少 侍史慢薰衣金門啟愁聽穿花漏早剔燭鼓米
弦又犯些商調彩毫憑起草錯認畫遠山眉稿不信是白
玉爲堂頓玉臺人杳

迦陵詞全集卷十三終

迦陵詞全集卷十四

宜興陳維崧其年著

泰州邵漢儀孝威

弟 維岳緯雲
宗石子萬 叅閱

合肥李天馥湘北

選

商丘宋 犖牧仲

男履端

校

錢塘毛 駉馳黃

姪賜薛

水調歌頭

被酒與客語

老子半生事
忼慨喜交游
過江王謝子弟
與巷共華騶
曾記獸肥草淺
正值風毛雨血
大獵北岡頭
日暮不歸去
霜色冷吳鉤
今老大蹉落
拓轉沉浮
疇昔博徒酒侶
一半
墓荒丘
閉置車中新婦
羞縮嚴家餓隸
說著亦堪愁
我爲

若起舞若定解此不

題余氏女子繡西施浣紗圖爲阮亭賦

婀娜針神女春晝繡西家聞道若耶溪上淥水漾明沙爲
憶吳宮情事慕地養娘來至羞臉暈朝霞忙向屏山畔背
過鬢邊鴉一春愁三月雨滿欄花西施未嫁當初情緒
記些些靠着綉床又想拈着鴛針又放幽思渺無涯一幅
鮫綃也錯認越溪紗

朱荔裳曹顧庵王西樵招集劉峻度葭園卽席限韻

銅鑪朱扉外寶鴨書堂中重逢把酒飛蓋倍覺旅愁空人
有庾徐潘陸坐有樓臺絲竹那減晉人風慎莫賦悵悵亟
爲拉紅紅吾醉矣拓金戟倚長弓不改狂奴故態耳語

有羣公官是金閨貴客身是畫溪愁客客自不相同起覓
鐵綽板高唱大江東

送宋荔裳觀察入都并寄夢天司業同顧庵西樵

賦

酒冷天寒日人去客愁中數行鈿蟬在雁祖餞出城東衣
上青天明月馬上黃河飛雪雁背染霜紅如此作裝急彘
何想桓公 千斤椎七寶轡百石弓從奴賓客所過棧馬
嘶殘通定過淮陰祠下更到望諸墓上懷古颯悲風若見
蘇司業言我髯成翁

留別阿雲

眞作如此別直是可怜蟲鴛鴦凋麝薰正煖別思已匆匆昨
夜金尊檀板今夜曉風殘月踪跡大飄蓬莫以衫痕碧偷

東坡詩集卷十四
二
思
搗麝波紅 分手處秋雨底雁聲中迴軀攬持重抱宵箭
恨將終安得當歸藥缺更使大刀環折萍梗共西東絮語
未及已帆勢破晴空

舍南庭前牡丹將放詞以催之

峭冷侵金鴨乍煖熨銅龍東皇好景何限相別苦匆匆二
十四番花信一百五朝寒食幾陣酒旗風豆吐蠶婆綠花
綻鼠姑紅 畫欄西綺窗北錦城中姚黃何事羞澁媚臉
未全融速辦慈恩車騎并倩華清鈿笛邀取謫仙翁早放
木芍藥慢舞玉瓏璫

咏美人鞦韆

昨夜滿裙罷今日意錢回粉牆正亞朱戶其外有銅街百
丈同心綵索一寸雙文畫板風颭繡旗開低約腰間素小

摘髻邊牌 翩然上掠綠草拂蒼苔粉裙欲起未起弄影
惜身材忽趁臨風回鶻快作點波新燕糝落一庭梅向晚
半輪玉隱隱照遺釵

夜飲季端木齋中歸忽爾飛雪填詞奉東并懷尊

甫孚公

昨夜醉君酒歸路雪飛花淋衣那更裂燭袖禿不禁遮粧
偏瓊樓萬瓦凝透綃官千幕凍殺冷蝦蟆紙破苦拉雜柱
朽怕槎枒 吾笑我寒至此獨何耶愁時恨不倩汝爲我
與箏琶忽憶哦松尊甫時孚公作錢塘丞今夜斷橋晴雪吟興定
然佳客睡幾曾着城上咽悲笳

雪夜再贈季希韓

海上玉龍舞糝作滿空花城中十萬朱戶瓊粉亂周遮愁

對一天飛雪不見昨宵明月桂影蝕金蟾短髻颯秋葉僵
指盡枯枿當日事須細憶詎忘耶記築毬塲擲笛却手
復爲琵琶縱不神仙將相但遇江山風月流落亦爲佳豈意
有今日側帽數哀筇

立秋前一日述懷東許豈凡

將相寧有種豎子半成名耻碎切莫抵樹聽我短歌行薄
俗人奴笞罵末路婦人醇酒一笑萬緣輕夫子知我者試
與說生平斫豪豬炙走兎羣長鯨群儒齷齪可笑我自
習縱橫明發西風削草且約博徒會獵小趙一秋晴鬚作
明毛磔箭作候鵲鳴

題友人詞并示方鄴大匡

脫帽卽掀筇撥洗便彈箏千金教得樂部坐此得狂名每

歎英雄作事萬象雪中鴻爪一過已忘情倏忽謝歌舞寂寞掩柴荆
新詞句真磊落太縱橫我作致師樂伯摩壘更靡旌
翼若并州快剪又若短兵狹巷殺賊不聞聲舉以示
二子大笑絕冠纓

送憚南田之錢塘并柬毛稚黃

躡躡上靈隱吹笛下吳淞送君恰值新爽纖月印船篷猶憶冷泉亭上
百道跳珠噴雪飛瀑挂杉松一別十八載吾老漸成翁
故人去携筆墨寫空濛不知老已將至揮灑醉偏工
爲訊鹽橋毛子果否別來無恙底事斷詩筒人世作達耳
長邑鬱焉窮

贈西陵周勿庵

勿庵精日者家言任俠滑稽多金尤綠幘之游背微僕

拍手唱銅斗踟躕地舞迴波世間窮達有命擾擾若之何收

罷百錢簾下雨後一街人少客有獵纓過僕病坐磨竭君
顰頰鷄窠如箕舌舐其腹口懸河眼中只愛綠幘誰解
愛青娥頗怪丈人痴僕却恐舍人尻暑戲語莫相呵絕倒
黃幘綽撫掌敬新磨

題遠公畫洞山圖送天石北上

何以贈行卷而作洞山圖旁人拍手大笑畫者復誰歟此
去燕姬馬湏兒足金莖仙瀝茗椀酷非須卿復携來否長
柄有葫蘆掀髯語畫此者定非迂敗盡朱門酒肉只此
味清腴縱挾綾文三百日給龍團鳳餅曾似故園無十丈
紅塵裡一幅冷秋菰

送原白北上

莫作戀豆馬直學脫鞵鷹送君秣魏刷趙萬里慙飛騰頗

怪今人離別出戶定然復入刺刺實堪憎似爾最蠱喪物
態直憑陵公子去臣宜從病未能行也勉旃努力勿復
暉炎蒸爲我慈仁閣下寄訊支離老叟短髮定鬚髻待我
上元候同看鳳城燈

留別澹心卽用來韻

離別亦常事惆悵眞毋然歸舟一路弄笛吹裂水中天猶
記吳趨坊後再到惠山松畔兩地酒如泉不久聚花下小
別向風前白翎雀鷄叫子想夫憐岐王空宅舊日法曲
散如烟君有龍文百軸近作小詞一卷千載定流傳早覓
賀懷智丞付李延年

橄欖

造物有本性此味最高嚴清芬却帶酸澁品格壓黃柑多

少橘官輒美、無數荔奴甘滑、側目看新參、諫議爾之職、
羈我何堪、析煩焚開結、膏滌塵凡、頗聞人語、輸與崖蜜、
十分甜、長揖水晶人、退不詣內黃、侯謝徑自返、漳南獨醒、
頗相憶、播落在江潭、取名水晶人
蟹名內黃侯

萊陽姜如農先生前朝以建言予杖遣戍宜州會
遭甲申之變不克往戍所僦居吳門者幾三十
年癸丑夏先生疾革遺命家人曰必葬我敬亭
之麓其子勉仲學在從之聞者悲其志重其節
私諡之曰貞毅先生維崧填詞以代迎神送神
之曲焉

東海黃門老疾革話悲酸呼兒吾骨累汝霜翦一燈寒休
返用橫島上何用要離冢側莫恤道途艱憶奉重華命遣

往敬亭山 三十載憐弱水幾回乾鐵衣生旣未着鬼亦
成其間此地層崖杳嶂正接蔣陵鐘阜紫翠湧千盤若有
人兮在竦劍守重關

早秋託興

秋色一天雪林壑映新暘皎如三尺新水出匣漾于將亟
敞杉窗竹院要使金風玉露灑濯我軒廊颯爽上眉宇皎
潔到衣裳 小樓上望極浦太微茫估船夜笛江上併作
十分涼安得中原豁處飽看出櫓蒼狗大獵一千塲浙罷
刀頭米射殺鹿邊麋

平遠堂雨中卽事林天友使君席上同曹顧庵丁

藹園胡存人吳香爲園次六益余澹心尤悔庵
宋旣庭錢宮聲顧云美伊人天石趙旦兮毛行

九分賦共用烟字

千古鶯花窟四月雨晴天闌干一望平遠濃淡石湖烟催
取茶鎗酒幔喚得箏師遽伎來做餞春筵且起舞回鶻休
去聽啼鵲觴未半風乍起雨鏗然嵯峨古塔將壓挾屋
勢斜穿萬斛鈴音鐸語四壁鯨呿鰲擲劈裂幾條絃脫帽
叫奇絕此景倩誰傳

讀董舜民蒼梧詞題後

老屋數間耳世事不開渠堆墻牛腰困蝨巨束笥般羅中
有奇文兀冪每夜必騰光怪鰲擲與鯨呿力壓古聲叟氣
懾萬嶽奴珠零亂玉天嬌翠模糊我行以手捫摸作此
定誰歟既似苔紋瓦篆又似碑殘鼓鑿字裡吼於菟乃是
蘭陵董詞集曰蒼梧

詩樓詩爲西陵吳子與賦

有客向余說昨又到湖頭湖中翠奩未歛湖畔水明樓萬
本澄心堂紙千頁大觀樓帖百幅李營丘盤礴此樓上縹
緲紫綈裘風弄勝波漾穀浩浩悠悠湧金門外新月聽足
采菱謳分付危欄飛檻莫遣于祠岳墓烟景觸簾鉤貯酒
兼貯茗不貯古今愁

渡長蕩湖望三茅峯

我住太湖口四面匝烟鬟周廻縈青繚黛中托白銀盤且
縱龍宮一葦耕破瓊田萬畝笑傲水雲寬蓬背唱銅斗沙
尾辨金壇雪浪吼大魚出蘊如山茅家兄弟笑我前路
足風湍君自驂鸞翳鶴我自騎鯨跨鯉各自不相關揮手
謝之去吹笛弄潺湲

睢陽寓館感舊題壁

惆悵復惆悵直視草茫茫風搖葵子蕒葉鱗上
空墻滿目西州門內轉眼黃公墟畔前事惹思
量搖膝并負手遊柱更循廊天欲黑燈半綠月
微黃中年哀樂何況人又在他鄉飄去嬌絲脆
板畱下殘香剩茗狼籍小紗窗撥置不足道念
此斷人腸

送侯叔岱之彭城

酒罷忽不樂結束挽強弓彭城此去蒼莽水蓼
滿陂紅戲馬臺邊騁望下有河流似弩混混盡
魚龍吾意欲起舞屈指幾英雄斜陽恨關山影
一杯中袁曹劉項付與爛草沒孤鴻莫管千秋
閑事休悞一生作達筵吹競西風盼盼去已久
明月小樓空

夏五大雨浹月南畝半成澤國而梁溪人尙有書
舫游湖者詞以寄慨

翠釜一朝裂銅狄盡流鉛江南五月天漏煉石補仍穿驟
若滄龍噴沫狂比長鯨跋浪廬舍沒長川菱蔓繞床下釣
艇繫門前 今何日民已困况無年家家秧馬閒坐墟井
斷炊烟何處玉簫金管猶唱雨絲風片烟水泊游船此曲
縱嬌好聽者似啼猿

憶商丘宋介子西湄草堂

雪苑女牆外水色綠於苔郭南潭子尤勝淼淼浸樓臺長
記昇平舊事彌望風亭雨榭盪槩百壺來誰向亂前說說
罷使人哀 西湄好憶客夏寄高齋南京爲余細糝菜几
淨纖埃君笑熱由卿至僕笑羨應還我戲語類優俳搖櫓

沒烟去背指野棠開

徐陵奉使至魏魏人宴之是日甚熱

宋

齊沈文季與魏崔祖思在高帝前戲爭羹膾爲吳食

祖思曰魚膾膾似非勾吳之詩文季曰千里尊羹豈關

魯衛帝笑曰尊

羹固應還沈

新秋寄驥沙徐仲宣

秋色潔於雪澄湛到簾鉤憑軒憶爾更劇君亦念余不記

客泉亭草寺間弄吟蓬釣筒相與狎沙鷗一笑別君去四

節忽如流大江邊殘照裡仲宣樓烟波蝦菜料爾生計

儘優游此地孤城絕島長被蛟涎兔汁鍊足一天秋橫竹

吹阿濫叫醒古今愁

溪泛

誰送半城綠恰是兩溪風茫茫銀濤雪浪天水有無中每

到簾紋平處不覺水香肥極一色玉玲瓏最惱閒鷗鷺偏

解占空濛。駕一葦、凌萬頃、浩無窮。今宵圓月定好寄語
織綃宮。脫帽五湖風景。捲慢半生心事。杳靄縱吟筵。一笛
中流發。乃是綠簑翁。

題毛會侯戴笠垂竿小像

水色綠如鴨。又似乍磨銅。華紋細浪。忽起颯颯夾溪風。數
里江村茆屋。一帶蘆汀蟹舍。下徧釣魚筒。雲作蔚藍纈。襯
以晚霞紅。燃楚竹。炊香糯。五湖東。新來溪友堪訝。乃是
大毛公。贏得眾師拍手。汝有金貂玉佩。詎是綠簑翁。笑起
唱銅斗。餘響落蛟宮。

汾西侯仲輅示我九日紀夢詞二闕依韵奉和

月落邊牆黑。幾扇鴈門開。蒼然西極風雨都向二陵來。聞
說胭脂小伎。能唱橫汾舊曲。家傍古輪臺。我欲與之語。紅

粉最憐才 飲醇酒近婦女莫疑猜世間餘子何限兩手
底須推安得飛狐峪口偕汝吹簫擊筑一日笑千迴綠酒
不曉事有悶未能排

一笑老松下握手亦前緣昨宵黃花節候妬汝小游仙推
道巫雲入夢誰料玳筵真箇事已徧流傳我在銀笙底偷
譜鷓鴣天 追代馬挾趙瑟是何年兵家女有殊色可許
阮公眠詎少朱門絲管那抵青樓簾櫳如鏡復如烟天上
兔華滿只照別家圓

毛會侯席上限咏鹿脯詩詞以代之同王惟夏方
雪眠毛大可允大諸君賦

那曉魯公帖有手且飛觴觴行更催勢脯此樂甚堂堂笑
寄鹿皮翁語乃有神仙上界欲以汝爲糧玉饌莫深恨底

事不潛藏 呼畢卓率阮籍態類唐百年所得有限不若
醒而狂熱酪何須痛飲明日北風大作結束上平岡箭作
餓鴟叫祖裼獵黃鵠

元夕前董樛亭至都下樛亭昨歲射陂遇盜身被
重創患不克來今則來也詞以志喜卽用樛亭

見贈原韻

月黑淮南縣卸馱正開門門前聲息洶洶勢若雨傾盆斫
臂霜刀攢蝟燎瓦狐燈掣電駭絕洞心寬詎復有活理遑
暇顧琴尊 重握手驚往事剪燈論追思胥江酒伴只我
與君存三客弱來一箇謂葆粉公又幾爲異物軟語剪難分
抹駁細相認老眼日來昏

酬別沈鳳于卽用來韻

君住馬溪上我住瀟湖中平生酒顛花惱此事那輪公自
逐鷓鴣班鷺隊回憶練裙檀板甚日恰重逢也料秋江畔開
到粉芙蓉 人世事枝前背絮西東青山見人分袂替作
別時容縱使錦袍入直詎抵綠簑聽雨釣艇漾晴空他日
訪君處烟水定畱儂

庚申五日

又是女兒節何處貰香醪艾裝碧虎閃爍與汝復相遭回
憶家鄉此際不少癡兒騃女綵鵲綉旗搖感起一川雪崩
落半空濤 渚宮遠澧水潤恐難招古來陳事何限細數
總今朝楚國湘纍自苦齊國薛君自樂一笑等鴻毛我自
飲我酒卿自讀卿騷

紀恨爲魏里張太君賦

越因燕燕地春日綺羅年張星本連天上朱戶隱姬娟誰
料羅窗綺閣吹到零風冷霧飄散亦前緣舊日畫眉事追
紀那能全 織錦曲絨情淚寄誰遶漳河獨火小店徹夜
雨綿綿請看古來青史何限傷心紅粉唱煞隔江船且盡
一杯酒莫撥四條絃

初夏吳門舟次董樗亭錢葆初留飲顧梁汾適至

卽席分賦

往事細如雨新水滑於羅十年幾一會而不飲欲如何雪
押松江銀鮓黃鑄洞庭盧橘酌以小紅螺僕素不勝酒醉
態亦傀俄 相樂也復相泣起婆婆眼中之人老矣春後
落花多休管誰家龍鳳不若狗兒吹笛伴取膽娘歌小別
數日再相月復經過

酒間樗亭偶語董龍事葆初云君家有龍猶寒宗有鳳也一座大笑元從

之詩云有兒
吹笛勝娘歌

趙北口作

忽復出門去萬事總由天難忘只有烟水永不罷相憐此
地燕南趙北盡日黃塵白草那抵舊溪山詎料故鄉景陡
落荀輿前鄭州鎮大沽口水雲寬空明浩淼碧篠紅蓼
滿汀滂也有魚羹蓮米安得留床茶臼水關兩三間臥聽
吳娘櫓帶眠唱歌還

鳳凰臺上憶吹簫

閏六月七日爲牛女作懊惱詞

翠鵲橋虛珠匏路杳懊惱情思無慘奈粉河一望靈匹難
扣寄語天邊織室雙鴛杵纖指休拋停梭怨金徒箭永青
女難通迢迢常時此夜正微寒麝燭小鴛龍輅記衣香

鬢影鬢影今宵屈指經年離別依然又淚滴紅綃羞是
涼秋不遜淮傭現消

和漱玉詞

蘸水垂楊漫天絲柳千條萬緒樓頭正圓水清淺斜靠簾
鈎擬把玉容重整纔勻面悵悵還休悵悵甚今春三月忒
似深秋 堪羞韶華縱好奈舊情已換往事難留只梁間
玉剪勸我登樓簾押朦朧未捲青山外不忍凝眸無過是
瀟瀟春雨點點離愁

廣陵送孫介夫之石城

紅板橋頭方山柵口中流冷撥吳裝正螢飛水簾蟬咽銀
牀經過鄰僧施宅青溪曲曲似廻腸雲水外千年陳蹟一
片新涼 堂堂過江人物記疇昔獅兒亦號孫郎奈殘山

剝豔極浦斜陽持底寄愁天上君須問舊日平康還則怕
萼蒲花老燕子樓荒

湯陰城外十里絲楊夾堤互引額以柳廊名極冷
傳詞以紀之

淇水潺湲爵臺馭選中原潑火年光漸湯陰城下陳蹟荒
涼一帶絲楊蘸馬晴漪鍍宛轉長廊縈人處輕陰輕隳窸
就鵝黃思量添些彈韻便一襟秋思那讓吾鄉記離離
水驛小小蟲娘白苧新裁春雪凭肩處柳外貪涼中年也
情隨飛絮一樣微茫

秣陵懷古

紅板橋南錦衣倉北金陵從古皇州記離宮牆外年少潯
遊忽聽九重仙樂東風細聲度龍樓依稀認寧王玉首賀

老堡簇 悠悠南朝風景看幾遍桃紅白了人頭
筓劉郎
易老羸女難留三十六宮何在斜陽外隱隱離愁傷心極
後湖菱蔓一片漁舟

本意

貴主亭臺真如環珮月中鳳吹悠悠占人間天上兩處風
流一自彩鸞齊跨雙携手玉宇瓊樓咸陽樹宮娥悵望仙
馭難留 回眸人民都換望渭水秦川頓惹閒愁歎重關
二百廢苑成秋千載鮑魚孫子沙丘路大藥難求道然嘯
青天碧海夜夜清謳

題宋楚鴻倚樓詞卷

百萬呼盧十千買醉世間何策驅愁惹銅仙多事鉛淚長
流一片唐陵漢寢遺基在舞罷歌休何尤是敗荷衰柳總

不宜秋 凝眸金荃一卷問宋玉聚鄉陸瑁湖頭悵頻年
踪跡只客皇州欲覓燕昭舊事高臺畔野水悠悠無聊甚
閒吟閒寫滿幅銀鈎

夢揚州

邁庵先生久客維揚詞以寄懷

蜀岡頭記狂夫舊日曾遊薄倖樊川贏得一夢青樓紅橋
上藕絲菱蔓當時費盡凝眸平陳業烟花記可憐逝水悠
悠老矣先生何求也雨橫烟杪北謁諸侯鶴髮開元老
淚銅仙爭流紅衣落盡西風起怕隋堤最不宜秋隱隱見
一江燈火人隔揚州

塞孤

早春寄周伯衡先生并訊倪子闇公

先生從征楚
幕近客吳溪

兩湘天滴黛何時歇曾記周郎英發坐擁油幢臨大別軍
旂奏鄉心截舳艫湓浦如麻鎧甲庾樓成雪嚴飈破磧古
樹都裂孤篷暫入吳老鬢終懷闕第二泉聲嗚咽瀑走
銀虬三四疊衝動防身劍篋料此際共兒寬看水上楊花
結定吟殘亂山白月

宣武城外書所見

北風如箭吼城門敗不斷香車流水側卷綃簾拖燕尾巫
鼓唱蠻簫賽烏孫別紫臺人黃鶴寡青溪妹粉襟兒畔
少紅淚誰唱勑勒歌訴盡消魂事繡鏃殘骸攢蜩樹腹
崖根潛老魅招蜀魄呼湘鬼鵲已叫洛陽城鶴未返遼西
市總春閨夢中夫婿

金浮圖

夜宿翁村時方刈稻苦雨不絕詞紀田家語

爲君訴今年東作滿目西疇盡成北渚雨翻盆勢欲浮村
去香稻波飄都做沉湘角黍咽淚頻呼兒女覓頭剩粒爲
客殷勤煮話難住茅簷點滴短檠青熒牀上無乾處雨
聲乍續啼聲斷又被啼聲剪了半村雨握手亟謝田翁一
曲淋鈴不抵卿言苦